

Tuhaqtidjutikhaq

Tuhaqtitauhaktukhaq

Atausiuqatigiingniq Inuusirmi Ilaumatigiiktut Katimayuarutaat Inminikkuungnirmut Nutqaqtirnahuarniq atuqpagait mahulingaidjutikhat Nunavunmi

IQALUIT, Nunavut (Qiqaiyaqluaqvia 6, 2016) – Pingahuni ubluni hulilukaarutikhaq, Atauhiuqatigiingniq Inuuhirmi (United for Life) Ilaumatigiiktut Katimayuarutaat Inminikkuungnirmut Nutqaqtirnahuarniq, havaariyaat Nunavunmi Inminikkuungnirmut Nutqaqtirnahuarnirmut Qanuriliurutikhaq (Nunavut Suicide Prevention Strategy -NSPS) paanariiktut katittutik amigaitqiyaniit 100 ilaumatigiiktunik Inirniqhaallu, nunallaamiutat, annamahimayut, inuuhittiarnikkut havaktiit ayuqhautiqaqtunullu ikayuqtiuvaktut havagviit, uqarilugit nakuutqiyayut atuqpagait hakugikhiyuumiqnahugittugu inuuhittiarniq mahulingaidjutikhanullu, ikayuutigilugulu pivallidjutikhanut aturaaqpaktakhamut qanuriliurutikhamik inminikkuungnirmut nutqaqtirnahuarnirmut

“Nakuuyumik havaligtut nunami,” uqaqtuq Ministangat Munarhiliqiyikkut Monica Eil-Kanayuk. “Kavamapta ihumaliqiyitkut maniit ukiunganut atuqtakhat angikliyuumiyut taimaa \$6.3 million-mit \$24 million-mut naunaiktinmadjuk qanuriliurutikhaq 2010-mi. Atuqtani pingahuni ubluni, tuhaayavut ingungnit nunallaanillu hanaqidjutainik tunngavikhat ikayutikhaqyanut ihumaliqinikkut inuuhittiarutikhanut, mahulimadjutikhat inminikkuungnirmut nutqaqtirnahuarnitikanullu. Ikayuutikhaukpiaktuq. Havaktauyakhanut qanuriliurutikhaq piliuqniaqtaat uumanga hakugidjutikhamit.”

“Kangiqhiyavut katimayuaqmata ikayuutiginiyaqtavut pivallidjutikhanut tuglianut Nunavunmi Inminikkuungnirmut Nutqaqtirnahuarnikkut Havaktauyakhanut Qanuriliurutikhaq. Ikayuqatigiiktukhauyugut tuhaqtittiluta ikayuutikhaqaqtumut mahulimadjutikhanullu Inungnut nunallaaptingni,” uqaqtuq Nunavut Tunngavikkut Timinga Angiyuqqaap Tuglia James Eetoolook.

“Paliihimat nakuugikpiaktait havakpagainut nunallaaptingni havaqatigiyumayailu paanariiktut ilaumatigiiktullu hivumuuqluta piliuliqlugu aturaaqpaktakhami havaktakhanut qanuriliurutikhamik,” uqaqtuq RCMP C/Supt. Michael Jeffrey.

“Katittavut ikayuqpiakpaktut inuit kangiqhivlugillu nakuuyut havaktauyut Nunavunmi. Havaqatigiyumayavut paanariyavut, ilauqatigiiktut, inulrammiita katimayiit kavamaungittunilu atuqviuyunilu havagviit pivalliadjutikhanut aturaaqpaktakhami havaktauyakhanut qanuriliurutikhaq,” uqaqtuq David Lawson, Ikittiarhimalugu Inuuhik Angiyuqqaq

Katimakyyarutaat pihimayuq taimaa apiqhivrikmi naalaktit pitqungmadjuk taaffumanga huiqhimagiyuliyiit ihivriurutaanit inminikkuuqhimayumit talvani Apitilirvik 2015, piumayunut amigairumavlugit ikayuqtukhat ilauqatigiiktunit.

Katimakyyarutaat ikayuutauyuq pidjutikhanut taimaa paanariiktut pivalliadjutikhainut ilauqatigiiktukhanut, hanaqidjutikhanut, kangihihimayaanginilu aalatqiinit inuuhidjutauyunit atuqhimayainut ikayuutauniaqtunut atuqtakhainullu nunallaami pihimayunut inminikkuungnirmut nutqaqtirnahuarikkut havaakhainut.

###

Tuhaqtidjutinut Uqaqvikhat:

Ron Wassink
Tuhagakhanut Ayuittiaqhimayuq
Munarhiliqiyikkut
867-975-5710
rwassink@gov.nu.ca

Kerry McCluskey
Aulapkaiyi Tuhagakhanut
Nunavut Tunngavikkut Timinga
867-975-4914, akiligakhaittumut: 1-888-646-0006
kmcccluskey@tunngavik.com
www.tunngavik.com

David Lawson, Cpl.
RCMP "V" Havagvia Tuhaqtidjutikhanut
Iqaluit, Nunavut
867-222-3977
david.lawson@rcmp-grc.gc.ca

Kimberly Masson
Atan'nguyalluaq
Ikittiarhimalugu Inuuhik Katimayiit
867-975-3233
embracelife@inuusiq.com
www.inuusiq.com